

IIB MA GALO

FAAFINTA

RASMIGA AH

الرسمية



الجريدة

JAMHUURIYADDA DIMOQRAADIGA SOOMALIYA

الجمهورية الصومال الديمقراطية

Sannadka 10aad Muqdisho, 1da Juun 19882 L. 6

FAAHFAAHIN BIL SOO BAXA

جريده شهرية

Laanta Faafinta Rasmiga ah ee Madaxtooyada J.D.S.

QIIMADU waa 5 Shiln lambar waliba—RUKUNKA: Sannadii waa Shs. 100 Somaliya gudaheeda—dibaddeedana waa Shs. 300. Ruknka la weydiisto waqtiga loo gooyey wuxuu ka bilaa-bmaa 1 Janayo Qiimaha qoritaanku F.R. halkii sadar iyo waxoo ka yar waa 2 laba Sh. — Rukunka iyo qoritaanka waxaa a weydiistaa laanta Maamulka Faafinta Rasmiga ah—lacagta waxaa lagu bixinayaa Xafiiska Canshuuraha ee Wasaaradda Lacagta.

K O O B N I I N

QAYBTA KOOWAAD
SHARCI

SHARCI L.16 ee 13 Maajo 82, Oggolaansho Heshiis dhexmaray JDS iyo Dawladda Imaaraadka Carabta Midoobay kuna saabsan Iskaashi xagga Qaanuunka iyo Garsoorka.

Bogga 467

SHARCI L.17 ee 16 Maajo 82, Oggolaansho Heshiis dhexmaray JDS iyo Sanduuqa Kuweyd ee Horumarinta Dhaqaalaha Carabta, kuna saabsan Mashruuca kordhinta xagga Korontada Muqdisho.

» 468

SHARCI L. 18, 26 Maajo 82, Heshiis dhexmaray JDS iyo Sanduuqa Carabta ee Horumarinta Dhaqaalaha iyo Bulshada kuna saabsan Maalgelinta Mashruuca Bivaha Xamar ee Marayaladda

Sharci Lambar 24 taariikh 4 Luulyo 1982 Dhismaha Guddiga Qaranka ee Xisaabi Xil ma leh.

MADAXWEYNANKA JDS

ISAGOO TIXGELINAYO: Oggolaanshaha Guddiga Joogtada ah ee Golaha Shacbiga.

WUXUU SOO SAARAYAA

Sharciga soo socda:

(Qod. 1aad)

(Dhismaha Guddiga)

1. Waxaa la dhisay Guddiga Qaranka ee Xisaabi Xil ma leh.
2. Guddiga Qaranka ee Xisaabi Xil ma leh waa Hay'ad aan caadi ahayn, wuxuuna hoos yimaadaa Madaxweynaha J.D.S.
3. Guddigu wuxuu leeyahay Mas'uuliyad wadajir ah, wuxuuna Go'aannada ku guddoonsiinayaa cod hal dheeri ah xubnihiisa.

(Qod. 2aad)

(Ujeeddooyinka Guddiga)

Guddiga Qaranka ee Xisaabi Xil ma leh ujeedooyinkiisu waxay yihiin:

- a) Sugintaanka ku dhaqanka Sharciyada Dalka.
- b) Daafaca Hantida Qaranka.
- t) Toosinta iyo turxan bixinta Maamulka Qaranka
- j) Ciribtirka dhaqamada Lidka ku ah Maamulka iyo Dhaqaalaha Dalka.

(Qod. 3aad)

(Awoodda Guddiga)

Guddiga Qaranka ee Xisaabi Xil ma leh wuxuu awood u leeyahay in uu:

1. Baaro Hay'ad kasta ee Dawladeed ama Dawladdu wax ku leedahay.
2. Amro in la baaro ama la joojiyo baaris ku socota Hay'ad Dawladeed ama Dawladdu wax ku leedahay
3. Amro in la qabto, isagoo adeegsanaya Hay'adaha ku shaqada leh, qof kasta oo lagu tuhmo in uu lunsaado ama cid kale u lunshay hanti Qaranku leeyahay, ama ku kaca fal dembiyeed lid ku ah MaamulkaGuud,dhaqaalaha Dalka ama fal dembiyeed wax-yeeleynaya habsami u gaarsiinta dadweynaha wax-yaabaha Nolosha lagama maarmaanka u ah.
4. Ka qaado marka ay baaristiisa kula soo gudboonaato, lagama maarmaan ay ugu muuqato, Shaqaalaha Dawladda tilaabooyinka anshaxeed ee ku cad sharciga Shaqaalaha Qaranka.
5. Ka gaaro arrimaha uu baaro ama Madaxweynaha JDS ku soo wareejiyo, Go'aan idari ah oo kama dambeys ah oo lagu daryeelayo Hantida Qaranka, habsami u socodka shaqada Qaranka iyo ku dhaqanka shuruucda Dalka.
6. Siiyo awaamiir maamul toosin Hay'ad kasta oo ka mid ah Hay'adaha Qaranka, isla markaana kula xisaabtamo, marka ay lagama maarmaan ugu muuqato, Hay'adaha Dawladda ama Dawladdu wax ku leedahay, fulinta hawlahooda.
7. Amro qof kasta in uu Khasnadda Dawladda u soo celiyo wixii hanti ah ee Qaranku leeyahay ee ku maqnaata, sifo kasta ha ugu maqnaatee, Guddigana u sugnaata, isagoo Go'aankiisa waafajinaya Sharcigan.
8. Amro in la baaro qof kasta ama Hay'ad gaar ahaaneed kasta oo lagu tuhmo fal waxyeleynaya Dhaqaalaha Dalka ama ka soo hor jeeda Sharciga Ganacsiga Gudaha iyo Dibadda ee Dalka.
9. La tiigsado sharciga, isagoo u gudbinaya Hay'adaha ku shaqada leh, ama toos u ganaaxo ama tillaaboka qaado qof kasta ama Hay'ad gaar ahaaneed kas-

ta oo ku maqnaata Hanti Qaranku leeyahay, ku xad gudubta Shuruucda Dhaqaalaha ee Dalka ama u hoggaansami weyda Go'aannada Guddiga.

(Qod. 4aad)

(dib u fiirin Go'aan)

Go'aannada Guddiga Qaranka ee Xisaabi Xil ma leh waxaa dib u fiirin kara, burin kara ama wax ka bedeli kara Madaxweynaha J.D.Soomaaliyeed.

(Qod. 5aad)

(Awood Kormeer)

Guddiga Qaran ee Xisaabi Xil ma leh wuxuu Kormeeraa, isuna duwaa hawlahooda baariseed, Hay'adaha Baarista ee Qaranka.

(Qod. 6aad)

(Ka reebid)

Guddiga Qaranka ee Xisaabi Xil ma leh kuma laha awood baaris iyo kormeer hawlaha iyo maamulka Xisbiga Hanti wadaagga Kacaanka Soomaaliyeed iyo Gollaha Shacbiga.

(Qod. 7aad)

(Xubnaha Guddiga)

1. Guddigu wuxuu ka kooban yahay Xubnaha soo socda.
 - b) Guddoomiye.
 - t) Guddoomiye Ku-xigeenno iyo.
 - j) Xubno.
2. Xubnaha Guddiga kor ku tilmaaman waxaa lagu magacaabaa Xeer Madaxweyne.
3. Dhanka Dhaqaalaha iyo raadadka kale ee Sharciyeed daraiada Xubnaha waa heer Wasiir

(Qod. 8aad)

(Habka Shaqada Guddiga)

Habka Shaqada Guddiga, xilka Guddoomiyaha, Guddoomiye Ku-xigeennada iyo Xubnaha kale, waxaa nidaa inaya Xeer gaar ah, oo uu soo saaro Madaxweynaha Jamhuuriyadda Dimoqraadiga Soomaaliya.

(Qod. 9aad)

(Burin)

Sharci kasa oo ka soo hor jeeda ama aan la socon karin Sharcigan waa la buriyay.

(Qod. 10aad)

(Dhaqangal)

Sharcigan wuxuu dhaqan gelayaa laga bilaabo 7da Maarso 1982, waxaan lagu soo saarayaa Faafinta Ras-miga ah ee Jamhuuriyadda.

Muqdisho, 4 Lul. 1982

MADAXWEYNAHA J.D.S.

(Maxamed Siyaad Barre)